



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N

91/19749

< 07 > 08

2023թ.

**Էդուարդ Ժորայի Սուքիասյանին
Հասցե՝ Արագածուրնի մ., ք. Թալին, Չարենցի 15**

Ուղարկում եմ Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական բոլորքարկման վարույթի արդյունքում թիվ 8300692177 որոշումը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ « 3 » թերթ:

**Պարեկային ծառայության պետ,
ոստիկանության գնդապետ՝**

Կատ.՝ Մ. Գույումջյան

Ա. Խուդինյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 12.07.2023թ-ին կայացված թիվ 8300692177 որոշումը բեկանելու և վարչական իրավախախտման վերաբերյալ գործի վարույթը կարճելու մասին

« 04» 08 2023թ.

ք.Երևան

ՀՀ ՆԳՆ ոստիկանության պարեկային ծառայության պետ, ոստիկանության գնդապետ Ա. Խուդինյանս, վերանայելով Էդուարդ Ժորայի Սուքիասյանի (Այսուհետ՝ դիմող) 13.07.2023թ. (ՊԾ ստացված 13.07.2023 թ.-ին) դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

12.07.2023թ.-ին՝ ժամը 17:38-ի սահմաններում, Գեղարքունիքի մարզի Սևան M-4 ավտոճանապարհին՝ դիմողը «Մերսեդես-Բենց» մակնիշի 050 ZZ 50 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագրի: ՀՀ ՆԳՆ ոստիկանության պարեկային ծառայության Գեղարքունիքի մարզի գումարտակի կրտսեր պարեկ Վարուժան Խուդավերդյանի կողմից՝ վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կայացվել է թիվ 8300692177 որոշումը՝ դիմողին 100.000 ՀՀ դրամի չափով տուգանելու մասին:

Դիմողը 13.07.2023թ. (ՊԾ ստացված 13.07.2023 թ.-ին) դիմումով խնդրել է վերանայել և բեկանել պարեկային ծառայության ծառայողի կողմից վարչական իրավախախտման վերաբերյալ գործով 12.07.2023թ-ին կայացված թիվ 8300692177 որոշումը՝ մասնավորապես նշելով, որ տրանսպորտային միջոցը ունեցել է ժամանակավոր հաշվառման համարանիշեր և գործող ԱՊՊԱ պայմանագիր և ներկայացրել է «Ինգո Արմենիա» ԱՓԲԸ-ի և «Լիգա Ինշուրանս» ԱՓԲԸ-ի կողմից տրված վկայագրերի պատճենները:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

ՀՀ ՆԳՆ ոստիկանության պարեկային ծառայության ծառայողի պարզաբանման համաձայն՝ 12.07.2023թ.-ին՝ ժամը 17:38-ի սահմաններում, Գեղարքունիքի մարզի Սևան M-4 ճանապարհահատվածում դիմողը «Մերսեդես-Բենց» մակնիշի 050 ZZ 50 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագրի և նշված փաստն արտացոլվել է դյուրակիր համակարգչի ծրագրում, ինչի արդյունքում կազմվել

է վարչական իրավախախտման վերաբերյալ արձանագրություն և կայացվել թիվ 8300692177 որոշումը:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 12.07.2023թ-ին կայացված թիվ 8300692177 որոշումը ենթակա է բեկանման՝ հետևյալ պատճառաբանությամբ.

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Ուսումնասիրելով նյութերը՝ պարզ է դառնում, որ «Մերսեդես-Բենց» մակնիշի 050 ZZ 50 հաշվառման համարանիշի տրանսպորտային միջոցը պատկանում է «Կվադրա Կապիտալ ՍՊԸ»-ին: Նշված դիմումով ներկայացված «Ինգո Արմենիա» ԱՓԲԸ-ի և «Լիգա Ինշուրանս» ԱՓԲԸ-ի կողմից տրված վկայագրերի պատճենների, ՀՀ ՆԳՆ ՃՈ էլեկտրոնային ռեգիստրի տվյալների ուսումնասիրությունից պարզ է դառնում, որ Էդուարդ Սուքիասյանի կողմից վարած «Մերսեդես-Բենց» մակնիշի 050 ZZ 50 /Ժամանակավոր հաշվառման համարանիշ՝ 5303EI/ հաշվառման համարանիշի տրանսպորտային միջոցի համար «Կվադրա Կապիտալ ՍՊԸ»-ն 07.07.2023թ. «Ինգո Արմենիա» ԱՓԲԸ-ի հետ կնքել է SS 159548 վկայագրի համարով ԱՊՊԱ պայմանագիր, որը ուժի մեջ է եղել մինչև 17.07.2023թ-ը: 13.07.2023թ. «Կվադրա Կապիտալ ՍՊԸ»-ն «Լիգա Ինշուրանս» ԱՓԲԸ-ի հետ կնքել է SW 046517 վկայագրի համարով ԱՊՊԱ պայմանագիր, որը ուժի մեջ է մինչև 12.07.2024թ-ը:

Այսպիսով՝ դիմողի դիմումի հիման վրա հարուցված վարչական վարույթի շրջանակում պարզվել է, որ 12.07.2023թ.-ին՝ ժամը 17:38-ի սահմաններում «Մերսեդես-Բենց» մակնիշի 050 ZZ 50 հաշվառման համարանիշի տրանսպորտային միջոցն ունեցել է գործող ԱՊՊԱ պայմանագիր:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման եթե բացակայում է վարչական իրավախախտման դեպքը կամ կազմը:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունն այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և «Վարչական իրավախախտումների վերաբերյալ» ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 12.07.2023թ-ին կայացված թիվ 8300692177 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Գեղարքունիքի մարզի գումարտակ:

**Պարեկային ծառայության պետ,
ոստիկանության գնդապետ՝**

Ա. Խուդինյան